



Broj: 05/1-50-13-29-16-3/16
Sarajevo, 10. 2. 2016. godine

ZAPISNIK

16. sjednice Nezavisnog odbora Parlamentarne skupštine BiH

Sjednica je održana 10.2.2016., s početkom u 8 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obralija, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Ljubomir Kuravica, Miroslav Škorić, članovi Nezavisnog odbora.

OPRAVDANO ODSUTNI: Žiko Krunić, predsjednik Nezavisnog odbora, i Mate Miletić, član Nezavisnog odbora

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao prvi zamjenik predsjednika Nezavisnog odbora Enes Obralija. Konstatirajući da postoji kvorum za rad, otvorio je 16. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 15. sjednice Nezavisnog odbora;

2. Razmatranje Prijedloga izvještaja o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2015. godinu;
3. Razmatranje Informacije Granične policije BiH o Prijedlogu odluke o utvrđivanju Plana prijema kadeta za 2016. godinu broj 17-06-2-34-11-170-6/15, od 7.1.2016., a zaprimljene u Pisarnici Parlamentarne skupštine BiH 15.1.2016., broj: 05/1-04-203/16;
4. Tekuća pitanja.

Ad.1. Usvajanje Zapisnika 15. sjednice Nezavisnog odbora

U sklopu ove tačke dnevnog reda prvi zamjenik predsjednika Enes Obralića iskazao je potrebu da se Zapisnik 15. sjednice u okviru tačke 4. Tekuća pitanja dopuni sljedećim:

„Također, članovi Nezavisnog odbora otvorili su i pitanje vezano za naknade za rad u Nezavisnom odboru te su nakon rasprave donijeli

ZAKLJUČAK

Potrebno je uputiti dopis Zajedničkoj komisiji za administrativne poslove Parlamentarne skupštine BiH a vezano za primjenu Zakona o dopunama Zakona o plaćama i naknadama u institucijama Bosne i Hercegovine“.

Nakon usvojenih dopuna pod tačkom 4., Zapisnik 15. sjednice Nezavisnog odbora jednoglasno je usvojen.

Ad.2. Razmatranje Prijedloga Izvještaja o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2015. godinu

Prvi zamjenik predsjednika Enes Obralića otvorio je raspravu o ovoj tački dnevnog reda. U raspravi je učestvovala većina članova Nezavisnog odbora, te je nakon rasprave uz određene izmjene i dopune jednoglasno usvojen Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2015. godinu.

Ad.3. Razmatranje Informacije Granične policije BiH o Prijedlogu odluke o utvrđivanju Plana prijema kadeta za 2016. godinu broj 17-06-2-34-11-170-6/15, od 7.1.2016., a zaprimljene u Pisarnici Parlamentarne skupštine BiH 15.1.2016., broj: 05/1-04-203/16

U uvodu u ovu tačku dnevnog reda prvi zamjenik predsjednika Nezavisnog odbora Enes Obralića ukratko je napomenuo da je informacija stigla od Granične policije BiH i da se odnosi na Prijedlog odluke o utvrđivanju Plana prijema kadeta za 2016. godinu.

Naime, Granična policija BiH tražila je i u budžetu za 2016. planirala prijem 100 kadeta u činu „policajac“ i 20 u činu „mlađi inspektor“ (100+20). Planirani broj prijema kadeta Ministarstvo sigurnosti BiH je zbog ograničenosti smještajnih kapaciteta Agencije za školovanje i stručno usavršavanje kadrova umanjilo na 65+10 da bi Ministarstvo finansija i trezora BiH broj kadeta u činu „policajac“ dodatno smanjilo na 50. Ovim putem Granična policija BiH moli Nezavisni odbor da razmotri i prihvati ovu informaciju radi preduzimnja odgovarajućih aktivnosti.

U nastavku rasprave učestvovala je većina članova Nezavisnog odbora nakon čega su jednoglasno donijeli

ZAKLJUČAK

Zadužuju se članovi Nezavisnog odbora Mato Jozić, Miroslav Škorić i Adisa Begić da posjete Graničnu policiju BiH i prije održavanja sljedeće sjednice izvijeste Nezavisni odbor o dopisu Granične policije BiH upućenom Nezavisnom odboru.

Ad.4. Tekuća pitanja

U okviru ove tačke dnevnog reda prvi zamjenik predsjednika Enes Obralića ukratko je informirao članove Nezavisnog odbora o dopisu koji je upućen Zajedničkoj komisiji za administrativne poslove Parlamentarne skupštine BiH a vezano za primjenu Zakona o dopunama Zakona plaćama i naknadama u institucijama Bosne i Hercegovine.

U okviru ove tačke dnevnog reda, a na prijedlog članice Nezavisnog odbora Adise Begić, članovi Nezavisnog odbora jednoglasno donijeli

ZAKLJUČAK

Nezavisni odbor uputit će zahtjev Državnoj agenciji za istrage i zaštitu BiH za dostavu informacije koja se odnosi na postupanje ovlaštenih službenih lica Državne agencije za istrage i zaštitu BiH, odnosno na njihov ulazak u prostorije redakcije Dnevnog avaza 25.1.2016.

Prvi zamjenik predsjednika Nezavisnog odbora Enes Obralić zaključio je sjednicu u 9 sati.

SEKRETAR
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Žiko Krunić